



Barátta grunnskólakennara

Grunnskólakennarar hafa sem kunnugt er staðið í launa-deilu við ríkisvaldið undanfarið. Deilan snýst um það hvort meta eigi kennarapróf til mishárra launa fyrir það að þau séu tekin á mismunandi tíma, þ.e. hvort þau eru tekin fyrir eða eftir breytingu kennaraskólans í kennaraháskóla. Grunnskólakennarar hafa tekið það ráð að neita að taka við kennaranemum frá kennaraháskólanum í æfingakennslu. Um það var samið í síðustu samningum BSRB og ríkisins að prófin skyldu metin jafnt. Framkvæmdin hefur hinsvegar orðið sú að prófin gefa mismunandi stiga fjölda en jafnhátt kaup í upphafi. Þá ber þess að gæta að eldri kennarar hafa unnið í að minnsta kosti 6 ár þegar þeir fá þessi sömu laun. Hinir nýju fá þau hinsvegar strax og fá, vegna herra stigamats, mun fyrr launaflokkshækkanir vegna starfsreynslu.

Aðgerðir grunnskólakennara hafa mælt misjafnlega fyrir. Mikið var úr því gert að þetta bitnaði á saklausum, þ.e. kennaranemum en nám þeirra gæti lengst vegna þessa. Það kom þó í ljós að kennaranemar í kennaraháskólanum hafa fullan skilning á málstað kennara og hafa sjálfir farið í verkfall til að knýja á um laun deilunnar. Þannig verður verkfall kennaranemanna að skoðast sem stuðningur við grunnskólakennara.

Nokkuð hefur verið gert af því að átella grunnskólakenn-

ara fyrir "að skemma kennaramenntun með ábyrgðarlausum aðgerðum. " Því er til að svara að ríkið ber ábyrgð á kennaramenntun í landinu. Kennarar eru að krefjast réttar síns undir markmiðinu sömu laun fyrir sömu vinnu. Ef ríkisvaldið stendur undir ábyrgð sinni á kennaramenntun í landinu þá ætti það að ganga að kröfum kennara þannig að kennaramenntun truflist ekki.

En samband grunnskólakennara hefur eignast fleiri andstæðinga en ríkisvaldið. Nýlega samþykkti stjórn landsambands framhaldsskólakennara að taka við kennaranemum og einnig að mótmæla aðgerðum grunnskólakennara.

(Innan félags framhaldsskólakennara eru flestir kennara í 7.-9. bekk grunnskóla). Þetta er ljótur leikur stjórnar LSKF og veldur klofningi meðal kennara. Þeim mun svívirðilegra verður þetta í ljósi þess að þessir sömu menn og nú skemma aðgerðir starfsbræðra sinna tala í hinu orðinu um sameiningu og samvinnu allra grunnskólakennara. Hvernig er hægt að taka slíka menn alvarlega?

Kennurum er ljós nauðsyn þess að sameinast í eitt félag. Þessvegna á ekki að líðast að forystumenn þeirra brjóti samstöðuna.

Stéttabaráttan styður réttmæta baráttu grunnskólakennara og fordæmir klofningsaðgerðir forystu LSKF.



Frá mótmælafundi BSRB í fyrra.

Hlutverk hinna einstöku félaga innan INSÍ

Margt hefur verið rætt og ritað undanfarið um málefni iðnnema og verkskólanema. Í þessu sambandi hefur spurning vaknað um hvers vegna svo mikil deyfð ríki meðal þeirra? Er það vegna þess að iðnnemar hafi minni áhuga á félagsmálum heldur en aðrir framhaldsskólanemendur, eða er orsakanna að leita annarsstaðar. Orsakanna er fyrst og fremst að leita í því þjóðfélagi sem við lifum í. Auðvaldsþjóðfélaginu, sem ekki ætlast til þess að einstaklingurinn hugsi sjálfstætt og myndi sér sínar eigin skoðanir. Hvaðan koma flestir iðnnemar? Þeir koma frá verkamannaheimilum, þar sem brauðstritið tekur allan þann tíma sem

verkfólk hefur. Síðan fara börnin annaðhvort fljótlega út í atvinnulífið eða reyna að komast á "samning" eins og það er kallað. Frá allflestum verka manna fjölskyldum er þetta leiðin úti lífið. Ein orsök fyrir því að minna er um að iðnnemar sinni félagsmálum er sú að hvergi finnst jafn hátt hlutfall af nemum sem eru búnir að stofna heimili og jafnvel komnir með 1-2 börn. Þetta dregur að sjálfsögðu mikið úr þátttöku þeirra. Þeir verða að strita dag sem nótt til að geta staðið undir þessu, þeir draga jafnvel skólanamið fram úr öllu valdi því þeir hafa ekki efni á því að fara í skólann. Í framhaldi af þessu vaknar sú spurning hvernig sé hægt að

breyta þessu til betri vegar. Jú það er hægt með aukinni virkni og fræðslu af hálfu félaga sem viðkomandi iðnnemi er í. Þau verða að höfða meira til félaganna sýna þeim fram á nauðsynina á því að taka virkan þátt í starfi og stefnu félagsins. Þetta er m. a. hægt með því að koma á göðu trúnaðarmannakerfi milli vinnustaðanna. Í dag er þetta trúnaðarmannakerfi í molum ef það er þá til. Ég veit aðeins um eitt félag sem hefur beitt sér fyrir því undanfarið að byggja upp traust trúnaðarmannakerfi, til að auka samskiptin milli félaganna, það er Félag járníðnaðarnema. Hafa þeir lagt mikla vinnu í það undanfarið að fara á alla

Framhald á síðu 3.



Frá undirbúningsfundi að stofnun Leigjendasamtaka.

Samtök leigjenda

Leigjendasamtökin boðuðu til blaðamannafundar þriðjudaginn 26. sept. Var fundurinn haldinn í húsnæði sem samtök in hafa tekið á leigu að Bókhlöðustíg 7 í Rvík. Á fundinum kom í ljós að nokkur skriður hefur nú þegar komist á mál-efni leigjenda, þó samtökin séu ung. Hafa samtökin fengið bréf frá félagsmálaráðuneytinu þar sem farið var fram á að þau skipuðu einn fulltrúa í nefnd þriggja manna, er semja

skulu lög um leigu á húsnæði. Aðrir sem fulltrúa eiga í nefndinni eru frá Hús- og landeigendafélagi Íslands og ráðuneytið sem skipar formann nefndarinnar. Ekki kemur fram í bréfinu hvert verður nákvæmlega starfssvið nefndarinnar, en það ætti að skýrast strax og hún kemur saman. Leigjendasamtökin hafa þegar tilnefnt Ragnar Aðalsteinsson hrl. sem fulltrúa sinn í nefndina. Hann hefur verið samtök-

unum innan handar, bæði hvað varðar athuganir á þeim lagalega rétti sem leigjendur hafa nú, bæði þeirra sem engan skriflegan samning hafa gert og þeirra sem skrifað hafa undir samning Húseigendafélags Reykjavíkur. Í því sambandi hefur komið í ljós að samningur Húseigendafélagsins er í mörgum atriðum svo einhliða, það er að aðeins er talað um skyldur leigjenda og hvaða refsingu skuli beita þá

fyrir að standa ekki við skilmálana, að samningurinn myndi ekki standast fyrir dómstólum.

Hús- og landeigendafélagið hafði síðast er fréttist ekki skipað sinn fulltrúa í nefndina. Til glöggvunar við hverju megi búast af því félagi, er rétt að upplýsa að formaður þess er Páll S. Pálsson lögfræðingur Húseigendafélags Reykjavíkur. Af hálfu Leigjendasamtakanna verður lögð áhersla á að nefndin ljúki störfum það fljótt að lög um húsaleigu verði sett fyrir næsta sumar.

Á blaðamannafundinum var kynnt nýtt samningsform sem

Leigjendasamtökin hafa samið. Er í því tekið fram um réttarstöðu beggja aðila og réttur leigjenda tryggður.

Fram kom á fundinum að húsaleiga er hér oft um 30% af tekjum og í sumum tilfellum allt að 50%. Á Norðurlöndum er um það samið í kjarasamningum að leiga fari ekki fram yfir 20% af tekjum.

Það að komið er til móts við kröfur leigjenda nú er engin tilviljun, heldur beint framhald af því að þeir hafa risið upp til baráttu og myndað sér samtök. Hver árangur verður fer svo eftir því hve fast leigjendur fylkja sér um samtök sín.

Jafnréttisbaráttan

Það hafa sjálfsagt ekki margir misst af því að fatlaðir efndu til kröfugöngu um daginn til að minna á kröfur sínar um jafnan rétt á við aðra þjóðfélagsþegna.

Fatlað fólk hefur ekki mætt skilningi hingað til á sérþörfum sínum. Yfirvöld jafnt og atvinnurekendur hafa síður en svo gert þessu fólki kleift að lifa við nokkurt öryggi. Þessum aðilum hefur þótt sér það sæma að sniðganga þarfir og margendurteknar óskir fatlaðra um bættu þjónustu og atvinnu vegna sérstakra þarfa fatlaðra.

Nú bregður svo einkennilega við þegar fatlaðir efna til aðgerða til að fylgja eftir bönarbréfum sínum í marga áratugi, að steinhjörtu atvinnurekenda og ríkisvalds virðast bifast.

Fjölmargir atvinnurekendur og handhafar ríkisvaldsins kepptust við að lýsa stuðningi sínum við málefni fatlaðra. Engu líkara var en allir stjórn-málaflökkar og verkalyðsfélög hefðu haft málefni þessa fólks efst á sinni stefnuskrá í áratugi. Leiðarar stórblaðanna töluðu fjálglega um að gera yrði stóráttak til að tryggja þessu fólki jafnrétti. Það var engu líkara en allir væru sameinaðir í að rétta hlut

þessa fólks og jafnvel að þeir hefðu ævinlega verið það.

Ef þetta væri nú svo í raun að allir þessir aðilar hefðu borið jafn mikla umhyggju fyrir jafnrétti þessa þjóðfélagshóps og leit út fyrir þennan eina dag,

hefði þá verið þörf á þessum aðgerðum? Að sjálf-sögðu ekki, enda sanna verk þeirra aðila sem þótt-ust styðja kröfu fatlaðra.

Fólk sem að einhverju leyti hefur haft skerta starfsorku hefur hingað til staðið í harðri baráttu gegn ríkisvaldinu og þeim fjölmörgu atvinnurekendum sem engan skilning hafa á öðru en eigin valda-og gróðasöfnun.

Verkalyðsfélögin létu líta svo út að þau bæru hagsmuni þessa fólks fyrir brjósti, með stuðningsyfirlýsingum við kröfum um jafnrétti. En afrekaskrá verkalyðsskrifinnanna er síður en svo í samræmi við yfirlýsingarnar. Sannleikurinn er sá að málefni þessa fólks hafa aldrei verið tekin upp af verkalyðs-hreyfingunni í samningum við atvinnurekendur.


Enda er atvinnuöryggi þessa fólks alis ekkert. Þar sem fatlaðir vinna við verksmiðjustörf á svokölluðum vernduðum vinnustöðum eru þeir á lægsta taxta lögju. Þetta er það jafnrétti sem atvinnurekendur og verkalyðsforystan hefur upp á að bjóða.

Tæpast er því hægt að taka þessa aðila mjög alvarlega þegar þeir eru að reyna að nota jafnréttisgöngu fatlaðra til að auglýsa sjálfa sig.

Slík framkoma hefur hingað til verið kölluð hræsni og það verður ekki séð að ástæða sé til að gefa henni annað nafn nú.

Fatlað fólk mun ekki vinna neina sigra ef þeir láta blekkjast af fagurgala þessara manna nú. Þeir munu ekki nú frekar en áður gera neitt í málefnum þessa

fólks svo framarlega sem þeir geta komist hjá því. Aðeins barátta fatlaðra sjálfra getur fært þá nær settu marki, gegn fjandsamlegu ríkisvaldi og þjóðfélagskerfi sem byggir á sérhyggju og gróðasjórnarmíðum. Þetta eru gömul sannindi sem allir kúgaðir hópar hafa mátt reyna í auðvaldsþjóðfélagi nútímans. Barátta alþýðufólks gegn þessu þjóðfélagskerfi getur aðeins orðið sigursæl ef hún ber gæfu til að hrista af sér hræsnarana sem reyna að láta öldur baráttunnar auka vegsemd sína og auð.



Þjóðarframleiðsla í Kína fer stöðugt vaxandi og lífskjörin fara batnandi ár frá ári.

Verkamannahverfi í Sjanghæ

Annar hluti

Eftir að hafa skoðað verk-smiðjurnar í hverfinu hittum við að máli gamlan verkaman

Hann var 76 ára gamall. Í fyrstu sýndi hann okkur kofa, líkan þeim sem hann hafði búið í fyrir byltingu. Það var einn af strámmottukofunum sem áður er sagt frá.

Þar hafði hann eignast börn og búið í 15 ár. Aðalstarf hans meðan hann bjó þar var betli, en stundum gat hann starfað sem kúlfí. Það var einkum framan af sem hann fé fékk vinnu, atvinnuleysið jókst hins vegar eftir því sem á leið valdatíma Sjang-Kæ-Sjaks. Þá var aðeins hægt að framfleyta sér á betli, ef það var þá hægt.

Menntun var mjög léleg. Sárafaír kunnu lestur og skrif og um frekari menntun var að sjálfsgöðu ekki að ræða fyrir verkafólkið.

Fljótlega eftir frelsun Sjanghæ fékk hann atvinnu, enda var kappkostað að koma öllu x vinnufæru fólki í vinnu og útrýma þar með atvinnuleysinu. Síðan var hafist handa við að reisa bráðabirgðahúsnæði. Þau hús voru engan veginn nothæf nema til bráðabirgða. Þrátt fyrir að þau væru ekki góð þá fengu menn þó rafmagn og rennandi vatn þar.

Núna býr hann í blokk. Það er ennþá þröngt um fólk á heimilinu. Í fjölskyldu gamla mannsins eru 11 manns í þren

ur herbergjum. Auk þess er eldhús, þvottahús og bað.

Þessi gamli maður mundi þess vegna tímana tvenna. Nú hafði hann lokið sínu starfi og var á eftirlaunum, en tók að sér að segja okkur sögu sína.

Annars er eftirlaunaaldur í Kína 60 ár fyrir karla og 55 ár fyrir konur. Yfirleitt er fólki skylt að hætta en það getur þó haldið áfram ef sérstakar ástæður mæla með því. Þeir fá 70% af fullum launum. Sumt gamalt fólk, sem býr yfir mikilli reynslu af langri ævi, fær starfa sem ráðgjafar við verksmiðjur eða slíka staði og þá á fullum launum.

Hann tjáði okkur að í hans fjölskyldu væru 5 verkamenn og tekjur þeirra næmu 320 júan (1 júan er u.þ.b. 170 íkr) Matur fyrir alla fjölskylduna kostar 200 júan á mánuði.

Húsaleiga, rafmagn, vatn og gas kostar tæp 16 júan. Þannig kostar fæði og húsnæði fjölskyldunnar 216 júan og afgangurinn er því 104 á mánuði. Fatnaður er mjög ódýr í Kína þannig að ekki verður það stór útgjaldaliður. Algengur fatnaður, jakki og buxur, kosta 10-12 júan. Undirritaður getur bætt því við af eigin reynslu hér, að vöruverð er yfirleitt ótrúlega lágt í Kína. Og það sem meira er, vöruverð lækkar. Það er engin verðbólga í Kína, frekar verðhjöðun.

Bílakaup nýju ráðherranna

Það má segja að nýju ráðherrarnir eru menn alþýðlegir. Þeir haga sér ekki eins og fyrirrennarar þeirra. Þeir fengu, sem kunnugt er, nokkrir bíla með 60% afslætti samkvæmt lagaheimild sem veitir þeim þessi hlunnindi á þriggja ára fresti.

En þessir nýju, með "alþýðforingjana" í Alþýðuflokknum í fararbroddi, afsöluðu sér þessum hlunnindum og ætla framvegis að kaupa sér bíla á

sama hátt og almenningur í landinu, þ.e.a.s. að borga fyrir þá fullt verð.

Þetta vakti að vonum mikla athygli enda fátítt að slíkir menn afsali sér hlunnindum.

En þeir eru slóttugir. Þeir sögðust ætla að borga fullt verð yfir bifreiðar sínar eins og flestir aðrir en þeir gáfu ekkert upp um það hvaðan þeir ætluðu að fá peningana.

Þetta var af klókindum gert. Vegna þessa orðalags þá

svíkja þeir ekkert þótt þeir fái nú 15 ára lán til að kaupa sér bíla. Þess vegna megum við búast við að "alþýðuforingjarnir" fari hvað úr hverju að leggja gömlu druslunum sínum og kaupa bíla "sem hæfa stat-usnum" og eins og flest annað fólk ætla þeir að greiða fullt verð. Þeir fá hinsvegar peninginn að láni hjá ríkinu. Aðeins 15 ára lán.

Slíkt er siðferði "alþýðuforingjanna" þegar á reynir.

HAFIÐ SAMBAND VIÐ KOMMÚNISTAFLOKK ÍSLANDS M-L

Miðstjórn og ritstjórn
Stéttabaráttunnar: sími
27810 og pósthólf 1357 121 R.
einnig í Rauðu Stjörnunni
bókabúð, Lindargötu 15,
opið mánud. - föstud.
kl. 16:00 - 18:30.

AKUREYRI
Jón Atli Játvarðsson
Skarðshlíð 30.
KEFLAVÍK
Einar Jónsson
Sólvallagötu 40c.

HAFNARFJÖRÐUR
Fjóra Rögnvaldsdóttir
Reykjavíkurvegi 24.

HELLISSANDUR
Sigfús Almarsson
Hellisbraut 10.

SVÍÐJÓÐ
Kristján L. Guðlaugsson
Kämnarsvägen 11 N:220
222 46 LUND

**Rauða
Stjarnan
Bókabúð**

Opið mánudaga til fimmtudaga
frá kl. 15:00 - 18:30, og
föstudaga frá kl. 15:00 - 19:00

Fimm ára afmæli fasistastjórnarinnar í Chile

Fyrri hluti greinar þessarar birtist í 34. tölublaði Stéttabaráttunnar. Í þessari grein er reynt að lýsa þeirri kreppu sem einræðisstjórnin í Chile er nú að glíma við. Í síðasta blaði var rætt um áhrif erlends fjármagns á efnahagslífið, - lífskjörin innanlands, - stjórn málaástandið. Í þessu blaði eru svo tekin fyrir áhrifin á herinn, - samskipti við önnur lönd, - og móralskt ástand heima fyrir.

Í fyrri greininni kom fram að landbúnaðarframleiðslan hefur dregist saman um 10%, vegna græpsamlegrar afstöðu stjórnarinnar. Laun hafa minnkað um allt að 50%, á sama tíma og atvinnuleysi hefur aukist um 20%. Mikið hefur verið um verkföll og aðrar baráttuáðgerðir af hálfu verkafélagsins. Í kjölfar þessa hefur verið mikið um pyntingar og handtökur af hálfu stjórnarinnar.



Eitt af mörgum fórnarlömbum fasistanna í Chile.

3. Kreppan innan hersins.

Allir atburðir sem sagt hefur verið frá hér að framan hafa að sjálfsögðu leitt til mikilla mótsetninga innan hersins. Einnig stafa þessar mótsetningar af hinna erfiðu aðstöðu sem blasir við Chile í dag sem gæti endað með einhverskonar stríði við nágranna löndin, sérstaklega Argentínu en við munum koma að því hér síðar.

Sá hluti innan hersins, flotans, flughersins og lögreglunnar, sem er meðvitaður um það ástand sem ríkir í landinu, vex nú ört. Þessi hópur gerir sér grein fyrir að flest af því sem stjórnin hefur reynt að gera hefur mistekist. Allar tilraunir Pinochets til að ýta þessum hóp út í andstöðu við alþýðuna hafa mistekist. Þessi hópur óttast mjög það sem við kölluðum áður "Pinochets-isma", þ.e. a.s. tilraunir Pinochets til þess að auka vinsældir sínar. En eins og menn eflaust muna þá var það einmitt stærsti hluti flota- og flughersins sem á sínum tíma var mjög andvígur valdaráni

Pinochets og veitti andstöðu gegn honum.

Í landgönguliðinu varð ástandið mjög alvarlegt í apríl-mánuði þegar Pinochet ætlaði að reka hershöfðingja að nafni Brady. Brady þessi er hægri-sinnaður kristilegur lýðræðissinni og er fremstur í flokki þeirra hershöfðingja sem hafa sýnt stjórninni andstöðu. Ekki var að sökum að spyrja, hershöfðingjar Santiago-borgar mótmæltu þessu mjög harðlega og ákváðu að gefa Pinochet frest í 3 til 6 mánuði til að fara frá völdum, (skv. spænska ritinu Cambio 16) og lýstu yfir eindregnum stuðningi við Brady. Þetta varð til þess að Brady hélt stöðu sinni sem næstæðsti maður hersins og hinn 24. apríl var hann gerður að aðalráðgjafa Pinochets. Þeirri stöðu heldur hann enn þann dag í dag.

En athyglisverðustu atburðirnir gerðust þegar Pinochet rak yfirmann flughersins úr stjórninni. Orsökinn fyrir þessu voru þau að hershöfðinginn, Leight, sagði í viðtali við ítalskt dagblað að hann væri þeirrar skoðunar að nauðsynlegt væri að koma á

þingræðisstjórn í landinu innan fimm ára. Þetta gat Pinochet ekki sætt sig við að maður úr stjórninni segði opinberlega og rak Leight.

Mjög erfitt er að segja hver staða Pinochets er innan hersins, en hinsvegar er það augljóst að herinn mun hafa aðalhlutverk í falli hans (kanskí

Annar hluti

eitthvað sem minnir á valdaránið í Portúgal 1974).

4. Kreppan í utanríkismálum.

Allt frá valdatöku Pinochets, hefur stjórnin fengið mjög kröftug mótmæli alls staðar úr heiminum. Sameinuðu þjóðirnar hafa einu sinni borið fram mótmæli um að almenn mannréttindi væru ekki virt í Chile.

USA stjórn hefur tekið þá afstöðu, síðan Carter tók við völdum, að stjórnarskipti væru óumflýjanleg og hefur Carter margsinnis lýst því yfir að stjórn hans væri samþykk lýðræðiskjörinni stjórn í landinu. Þó urðu mótmæli stjórnar Carters kröftugastar er tveir virtir stjórnmalamenn sem flýðu Chile eftir valdaránið, voru drepnir í Washington. Morðin voru skipulögð af DINA (einskonar Gestapó-lögregla) og kúðnum sem flúðu höfðu frá Cúbu er Castro tók við völdum. Í sambandi við morð þessi kallaði Carter sendiherra sinn í Santiago heim til skrafs og ráðagerða. Síðan kom í ljós, eftir miklar rannsóknir og yfirheyrslur, að Pinochet lagði á ráðin með þessu morði. Ekki er þó hægt að segja að mikil alvara sé á bak við gerðir stjórnar Carters því ef vilji væri fyrir hendi þá gæti Carter gripið til alvarlegra aðgerða til að pressa Pinochet frá völdum. Er hér um að ræða aðgerðir eins og að loka á öll erlend lán sem Chile fær í dag, loka fyrir vopnasölu o. s. frv.

Öllu alvarlegra er þó ástandið er taka skal fyrir nágrannalöndin. Er þar fyrst að nefna Argentínu. Herforingjastjórnin í Argentínu hefur sýnt stjórn Chile æ harðari afstöðu í þeim málum sem hafa verið þrætuepli þessara ríkja um margra ára skeið. Er hér um að ræða

baráttu ríkjanna um yfirráðarétt yfir eyjum sem liggja undan suðurströnd Chile.

Argentínska stjórnin virðist ætla að láta skerast í odda og það hvað úr hverju. Hattsettur argentískur hershöfðingi hefur lýst því yfir að deila þessi leysist ekki nema í stríði og það stríð sé ekki langt undan. Ástandið er svo slæmt að Pinochet og stjórn hans hafa reynt að koma upp einskonar þjóðernislegri fylkingu, "Varið land" (nationella säkerhet), og hún að gera tvennt í senn; skapa einingu fjöldans og um leið að láta fólk gleyma glæpum stjórnarinnar. Almenn er um það talað í Chile í dag að eina sem geti stöðvað að stríð skelli á sé að ný stjórn taki við völdum. Er hér um að ræða hina borgaralegu blokk sem hefur mikinn stuðning innanlands sem erlendis.

Deilan við Bólivíu er einnig mjög alvarleg. Bólivía er hins vegar mjög veik hernaðarlega, mikill órói innan lands og fleira, og getur varla stutt kröfu sína um aðgang að hafinu en fær án efa fulla stuðning frá Argentínu.

5. Hin móralska kreppa.

Hér er einkum átt við hina 2500-3000 "týndu", þ.e. a.s. fólk sem tekið var fast fyrir fimm árum og síðan hefur ekkert spurst til. Ættingjar og vinir hafa barist hetjulegri baráttu fyrir því að fá vitneskju um þetta fólk en án árangurs. Ein þeirra aðgerða sem fólk þetta greip til var hungurverkfall. Um 300 manns tóku þátt í aðgerðum þessum á götum Santiago borgar, en hungurverkfall þetta vakti mikla athygli um heim allan. En fasistarnir láta ekki hræða sig, það væri of erfitt fyrir þá að viðurkenna í dag að fólk þetta væri búið að myrða eða misþyrma.

Einnig ber hér að geta um hið siðspillta ástand sem ríkir í Chile: embættismenn ríkisins virðast geta leyft sér allt, mútur, þjófnað, dráp á saklausu fólki, allt án þess að nokkur geri neitt.

Þessi grein hefur einkum fjallað um ástandið í Chile síðustu fimm ár en þó mestmagnis um árið 1978. Hvernig þróunin verður er mjög erfitt að spá um, en skyldi Pinochet verða við völd 11. sept. 1979?



Þannig eru lífskjör alþýðunnar í Guatemala, ekki ósvipað og í Chile.

INSÍ.
Framhald af forsíðu

vinnustaði hér á Stór-Reykjavíkursvæðinu, boða til funda meðal starfsmannanna og kjósa trúnaðarmenn. Þessi tengsl eru nauðsynleg ef hægt á að vera að koma á góðu sambandi milli félagsins annarsvegar og félagnna hinsvegar. En hver er svo tilgangurinn með þessu trúnaðarmannakerfi? Hann er sá að gera félaginu fært að fylgjast með því sem fer fram á hverjum vinnustað og gera félögum kleift að leita til félagsins ef þeir þurfa ráðleggingar eða hafa undan einhverju að kvarta. Í framhaldi af uppbyggingu þessa trúnaðarmannakerfis hefur margt komið í ljós sem virðist hafa verið hulið stjórn félagsins t.d. að á mörgum vinnustöðum hafa nemarnir verið látnir skrifa undir viðbótarsamning sem kveður m.a. á um það að neminn fái ekkert kaup meðan hann er í skóla, hann fái ekki greiddan bókakostnaðinn og margt fleira í þessum dír. Þetta er algjörlega ólöglegt því þetta brýtur í boga við iðnsamninginn. Þessi mál verður félagið og reyndar öll félögin að taka föstum tókum og koma í veg fyrir að þessi ósvinna eigi sér stað. Neminn sem skrifar undir samninginn í upphafi námstímabils veit ekki hvar hann stendur, enginn fræðir hann um rétt hans gagnvart atvinnurekandanum eða meistaranum. Honum er bara gert að skrifa undir og lesa síðansamninginn þegar hann kemur heim. Félögin verða að beita sér fyrir aukinni fræðslu um þessi mál. Best væri að þau myndu útbúa dreifirit þar sem þessi mál væru kynnt og nemarnir fræddir um rétt sinn. Síðan gæti trúnaðarmaður haldið fund á vinnustaðnum þar sem þessi mál væru rædd. Engin vafi er á því að ef þetta væri gert myndi áhugi nemanna stóruaukast og einnig stéttarþroski þeirra. Þetta myndi að sjálfsögðu mæta mótspyrnu atvinnurekanda, en það er bara merki um að þeir vilja ekki að neminn viti hvar hann standi í þessum málum.

En hvers vegna hefur þetta ekki verið gert? Það er vegna þess að forysta flestra félaga anna hreinlega nennir ekki að standa í þessum málum. Heldur vill hún boða til félagsfundar með ákveðnu millibili og kenna svo almennum félögum um um hversu slappir þeir séu að mæta á fundi, það sé hreinlega ekki standandi í svona vafstri. Þarna fellur hún í þá gildru að halda að um einhverja sjálfsprottna hreyfingu geti verið að ræða meðal fjöldans. Fjöldinn þarf á leiðsögn að halda. Til þess hefur hann kosið þessa menn til forystu, ekki til að vera einhverjir smalar heldur eiga þeir að taka upp kröfur og hugmyndir félagsmanna og móta þær í heilsteypt form. Félögin eiga að vera leiðsögn í baráttunni, geta aðstoðað félagsmenn ef þeir eru í einhverjum vafa um rétt sinn. Þessu hlutverki gegna þau ekki í dag, og gera ekki á meðan forystan hefur engan áhuga á að breyta þessum hlutum. Þess vegna: Kjós-um okkur til forystu menn sem vilja og geta gegnt þessu hlutverki.





Öreigar og kúgaðar þjóðir heims sameinist!

Stéttabaráttan

Útg: Kommúnistaflokkur Íslands m-l.
36. tbl. Þriðjudagur 26. september 1978.



STÉTTABARÁTTAN
- kemur út vikulega -
Sími: 27810.
Gíró: 27810-6.

Ábyrgðarm: Sigurður
Ingi Andrésson.

Sigurður Jón Ólafsson
Óðinsgötu 178
101 R

Bandaríkin vernda ítök sín í Nicara

Bandaríkin hafa á s.l. árum orðið að draga úr stuðningi sínum við einræðisstjórnir Latnesku Ameríku t.d. vopn sendingum og fjárhagsstuðningi. Þessi stefna Bandaríkjanna sem er leidd á yfirborðinu af Jimmy Carter forseta, er liður í undanhaldi bandarísku heimsvaldastefnunnar.

Sámur frændi getur ekki lengur tekið að sér hlutverk stóra bróður, sem verndar fámennar ráðastéttir leppríkja sinna erlendis.

Bandaríkin hafa tekið fyrir vopnasendingar sínar til Nicara og geta ekki stutt Somoza-stjórnina opinberlega

þó heimsvaldasinnunum væri fátt kærara. Pólítísk stefna Bandaríkjanna gagnvart ástandinu í Nicara er að allir borgaralega "lýðræðis-sinnuðu" flokkarnir setjist við samningaborð, efnt verði til kosninga og Somoza segi þá af sér verði hann undir.

Þetta segja talsmenn Bandaríkjanna vera einu færnu leiðina til að stöðva kommúnistana en þeim eykst fylgi með hverjum deginum. Bandaríkin sem áður hafa mætt svipuðum ástandi með eldi og brenni-steini t.d. í Víetnam, Chile og Kúbu, koma nú á vettvangi gervi hlutlauss sáttasemjara.

Í Nicara er nú um 5000 amerískir ríkisborgarar. Flestir þeirra eru á vegum bandarískra auðhringja sem fjárfest hafa í landinu. En það eru einmitt eignir og ítök þessara hringja sem bandarískum heimsvaldaseggjum er mest í mun að vernda. Því reyna þeir allt sem þeir geta til að reka fleyg í þá víðtæku samstöðu sem náðst hefur meðal andstæðinga Somoza. Sú samstaða er leidd af kommúnistum en nær þó langt inn í raðir hinna íhaldsömustu.

Ekki má gleymast að bandarískri herinn færði Somoza-ættinni völdin í hendurnar fyrir 41 ári síðan og hefur stutt hana síðan. T.d. þjálf

bandarískir herforingjar, reyndir úr Víetnamstríðinu, Þjóðvarðliðssveitir Somoza og fá greitt fyrir það 6 milljón \$ á ári. Einn slíkur herforingi Michael D. Echanis, upplýsti þetta og fleira í leyngu viðtali sem hann átti við frettamenn fyrir nokkrum vikum síðan. Echanis óttaðist þá um líf sitt og fór fram á það við blaðamanninn að hann birti ekki viðtalið nema að sér látnum ef svo skildi fara. Flugvél sem Echanis var í, var skotin niður þann 8. sept. og lét hann þar lífið ásamt fleiri háttsettum foringjum. Echanis sem segist berjast fyrir peninga og af hugsjón gegn kommúnisma, upplýsti það t.d. að sonur Somoza-forseta, Anastasio Somoza Jr. sem er Major í Þjóðvarðliðinu, hafi fengið þjálfun sína í U. S. Army Special Forces (Green Beret) school í Fort Bragg, NC (NC er Norður-Karólína) og þá verið

nemandi sinn. Það eru uppeldisstöðvar hinna illræmdu "Grænu húfa" sem þekktar eru fyrir hryðjuverk sín í Víetnam og Kambódíu. Somoza yngri stjórnar nú skrið-drekasveitum Þjóðvarðliðsins í Managua.

Bandaríkin koma fram sem úlfur í sauðagæru. Þeirra svonefnda mannréttindastefna sem Carter forseti ber fánann fyrir er fagurt nafn yfir hrörnun og undanhald eigin heimsvaldastefnu. Bandarísku heimsvaldaseggirnir hafa aldrei látið neitt fríviljuglega af hendi sem þeir hafa einu sinni krækt klónum í. Þeir sjá nú fram á að Somoza er fortapaður sem valdamaður í Nicara og því er þeirra eina von að koma öðrum víðlíka lepp fil valda. Þeir treysta sér ekki til að gera það með opinberlegu öfbeldi en þeir munu reyna allar leiðir sem þeir telja sér færar.

Hart barist í Nicara Fullkomin vopn halda Somoza að völdum


Bardagar blossuðu upp í Managua höfuðborginni og öðrum borgum Nicara þann 9. þ.m. og a.m.k. 36 manns létu lífið og á annað hundrað særðust. Fullyrða má að tölur yfir látna og særða séu mun hærra þar sem ómögulegt er fyrir nokkurn mann að henda reiður á þeim t.d. hversu margir liggja undir húsarústum. Á sunnudag 10. sept. varð hlé á bardögum í Managua en hart var áfram barist í Leon, Masaya, Chinandega, Granada og Esteli.

Í miðborg Managua þar sem Somoza forseti og einræðisherra Nicara býr standa raðir af varðliðum eftir hverju stræti. Þeir eru þungvopnaðir (skriðdrekar) og fótgönguliðar bera sjálfvirka ísraelska Calil-riffla og þeir nauðleita á hverjum ein-

asta vegfarenda sem á leið um

Það er aðallega Sandinista-hreyfingin (marxistarnir) sem stendur fyrir bardögum gegn stjórnarhernum. Hún nýtur stuðnings og samúðar yfirgnæfandi meirihluta þjóðarinnar. Skæruliðar hennar náðu á sitt vald 6 lögreglustöðvum seinni part laugardags og fyrri part sunnudags. Sumum halda þeir ennþá en frá öðrum urðu þeir að hverfa vegna skriðdrekaárása og skildu þær þá eftir í ljósum logum. Skæruliðunum er fagnað mjög af fólki hvar sem þeir koma. Þeir héldu Matagalpa næst stærstu borg landsins í 5 daga en urðu síðan að hörfa fyrir skriðdrekkum og loftárásum flughersins á borgina, sem kostuðu tugi mannlífa. Þrátt fyrir alla andstöðu þrjóskað Somoza enn við að láta af

völdum í landinu. Hann situr sem fastast í skjóli fullkominnar vopna. En skæruliðarnir verða betur og betur vopnaðir við hverja orustu sem þeir sigra. Þeir taka í eigin notkun öll vopn sem þeir ná úr höndum þjóðvarðliðsins (The National Guards).



Myndin sýnir kort yfir bardagasvæðin í Nicara.

Atvinnuleysi og versnandi lífsskjör bíða alþýðunnar í Latnesku Ameríku

Milli áhranna 1975 og 2000 er áætlað að höfðatalan í verkalyðssettum Latnesku Ameríku eigi eftir að tvöfaldast, frá 97 milljónum til 195 milljóna. Stór þáttur í þeirri fjölgun er aukin þátttaka kvenna á vinnumarkaðinum auk þess sem smáborgarastéttir, aðallega smábændur, flosna upp og leita á mölina. Verkalýðsstéttir fjögurra ríkja - Brazílíu, Mexíkó, Argentínu og Columbíu - telja 70% af þessari heildartölu.

Fyrir utan Argentínu fjölga nú öðum í verkalýðssíttum þessara landa. Smærri ríkin, Costa Rica, Guatemala og Dóminíkanska Lýðveldið, horfast einnig í augu við mikla fjölgun. Í Brazílíu er áætlað

að atvinnuleysisvandamál muni aukast sem svarar 1 milljón atvinnalausra manna á ári. Í Mexíkó er talan 600.000 Mexíkó stendur frammi fyrir efnahagslegri hrörnun, þrátt fyrir sinn nýfundna olíuauð. Þar er áætlað að árið 1980 muni 18,5 milljón verkamanna hafa atvinnu en að verkalýðsstéttin muni telja 20,2 milljónir manna. Þar munu því verða 1,7 milljónir atvinnalausir árið 1980, samtímis og áætlað er að 600.000 til 700.000 manna fjölgun verði á vinnumarkaðinum.

Þessar tölur eru fengnar úr árlegri skýrslu fjölbjóðbankasamsteypunnar Inter-American Development Bank (IADB), sem ekki er alls kostar ánægð

ur með gróðahlutfall af fjárfestingum sínum í Latnesku Ameríku. Þó var s.l. ár bankanum hagstæðara í 15 af 23 löndum þar sem bankinn hefur ítök, en árið 1976 var. Löndin sem voru bankanum fjárhagslega óhagstæð, að sögn IADB, voru Bólvía, Brazílía, Dóminíkanska Lýðveldið, Haiti, Perú, Trinidad Guyana og Jamaíka.

Í heildina hefur iðnaðarframleiðsla Latnesku Ameríku ríkjanna vaxið um 4,5%, til 334 billjóna dollara, yfir árið. Það er meiri gróska en í sumum þróuðustu iðnríkjunum en vel undir þeim vexti sem varð í efnahagslífi álfunnar seinni hluta 7. áratugsins og fyrri part þess 8.



Skæruliðar í Masaya.